

Na osnovu člana 131. stav (6) Zakona o prostornom uređenju i građenju ("Službene novine Tuzlanskog kantona", broj: 6/11, 4/13, 15/13, 3/15, 2/16, 4/17, 22/22 i 20/23) Služba za prostorno uređenje i zaštitu okoline Grada Tuzle, objavljuje:

JAVNI POZIV
za podnošenje prijava za učešće u radu komisija za tehnički pregled građevina,
za koje odobrenje za građenje izdaje
Služba za prostorno uređenje i zaštitu okoline Grada Tuzle,
za 2026. i 2027. godinu

I

Pozivaju se zainteresovana stručna lica da podnesu prijavu za učešće u radu komisija za tehnički pregled građevina, za koje odobrenje za građenje izdaje Služba za prostorno uređenje i zaštitu okoline Grada Tuzle, i to sljedećih struka:

- arhitekture
- građevine
- elektrotehnike (jaka ili slaba struja)
- mašinstva
- geologije
- geodezije
- zaštite od požara i eksplozija
- zaštite na radu
- zaštite okoline
- saobraćaja
- kontrole sanitarnih uslova.

II

Na Javni poziv mogu se prijaviti diplomirani inženjeri i stručna lica odgovarajuće struke sa pet (5) godina radnog iskustva, položenim stručnim ispitom i iskustvom u projektovanju ili izvođenju građevina sličnih izgrađenoj građevini.

Doktori i magistri nauka iz oblasti za koju se prijavljuju dostavljaju rješenje o oslobađanju obaveze polaganja stručnog ispita umjesto uvjerenja o položenom stručnom ispitu.

III

Uz prijavni obrazac, potrebno je priložiti i sljedeće dokumente u originalu ili ovjerenoj kopiji:

- CV sa listom referensi uz obveznu naznaku uže oblasti (jedne ili više njih) za koju se stručno lice prijavljuje,
- diplomu o završenom fakultetu (VII stepen stručne spreme, odnosno visoko obrazovanje Bolonjskog sistema studiranja sa najmanje 240 ECTS bodova),
- dokaz o radnom iskustvu nakon sticanja diplome (potvrda ili uvjerenje poslodavca ili poslodavaca kod kojih je stručno lice radilo ili radi, ili uvjerenje Zavoda za PIO – listing uz obavezno dostavljanje potvrde koja razjašnjava šifre sa listinga),
- dokaz o položenom stručnom ispitu i/ili dokaz o sticanju naučnog zvanja, kao i dokaz o stručnoj kvalifikaciji ili stručnom osposobljavanju za oblasti za koje se prijavljuju, koje su predviđene posebnim propisima,
- Ovjerenu Izjavu kojom podnosilac prijave izjavljuje da će blagovremeno obavijestiti Službu za prostorno uređenje i zaštitu okoline Grada Tuzle radi izuzeća u radu komisije, u slučaju da je u srodstvu sa investitorom građevine koja je predmet tehničkog pregleda, ako je sudjelovao u postupku izdavanja urbanističke saglasnosti i odobrenja za građenje, u izradi tehničke dokumentacije, revizije glavnog ili izvedbenog projekta, gradnji i nadzoru nad gradnjom predmetnog objekta.
- Prijavni obrazac i Izjava nalaze se u sklopu Javnog poziva.

IV

Kandidati koji se već nalaze na Listi stručnih lica za period 2024/2025, objavljenoj na web stranici Grada Tuzla, dostavljaju samo svojeručno potpisan Prijavni obrazac, CV i ovjerenu Izjavu.

V

Nakon komisijskog pregleda i obrade pristiglih prijava, a najkasnije u roku od 30 dana od dana zaključenja Javnog poziva, Lista stručnih lica koja ispunjavaju uslove za obavljanje poslova tehničkog pregleda građevina bit će istaknuta na oglasnoj ploči Službe za prostorno uređenje i zaštitu okoline Grada Tuzla i objavljena na web stranici Grada Tuzle – Služba za prostorno uređenje i zaštitu okoline.

Utvrđena Lista stručnih lica će važiti dvije (2) godine.

VI

Kandidati koji se budu nalazili na Listi stručnih lica koja ispunjavaju uslove za obavljanje poslova tehničkog pregleda građevina će biti dužni dostaviti JMB i broj tekućeg računa, u roku od 10 (deset) dana od dana objave Liste. Navedeni podaci se mogu dostaviti lično u Službu za prostorno uređenje i zaštitu okoline Grada Tuzla, poštom na adresu navedenu u tački VII ovog Javnog poziva ili na email: miroslavka.dervisevic@tuzla.ba.

VII

Rok za podnošenje prijava je 30 dana od dana objavljivanja Javnog poziva u dnevnom listu.

Prijave sa dokazima o ispunjavanju uslova iz tačke III se mogu podnijeti putem pisarnice Grada Tuzle ili poštom na adresu:

**Grad Tuzla, Služba za prostorno uređenje i zaštitu okoline
ul. ZAVNOBIH-a br. 11
75000 Tuzla**

u zapečaćenoj koverti, sa naznakom: “Prijava na Javni poziv za učešće u radu komisija za tehnički pregled građevina – NE OTVARAJ”

Na koverti obavezno naznačiti: ime, prezime, adresu i broj telefona podnosioca prijave.

Neblagovremene i nepotpune prijave neće se uzimati u razmatranje.

Dokumentacija predata uz prijavu se ne vraća podnosiocu.

VII

Sve dodatne informacije mogu se dobiti u Službi za prostorno uređenje i zaštitu okoline Grada Tuzle, direktno ili putem telefona: 035/307-450.